

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 2230 del 16/08/2025

Manà fora su Trentino Tv l program l vegn endrezà dal Comun General de Fascia

“Pedies”: per en sabeda ai 16 de aost vegn fora la puntata #499 del program ladin per la televizion

[Ladino] Ence chesta setemèna l é a la leta l nef apuntament de “Pedies”, rotocalch ladin de informazion, ruà a la puntata n. 499. I argomenc de chesta setemèna.

L portoi da la rodes per la val de sora: I Ombolc de Ciampedel e Cianacei te na intervista.

La eves e la produzion de la miel. Saon che la eves les à na gran emportanza acioche vae inant la vita, la produzion de magnadiva e la biodesvalivanza. Ti ultimes tempes col tempram che muda de bot, gregn ciauc, boraschèdes e vent ence la eves e la produzion de la miel les é manacèdes.

Na neva scomenzadiva da pèrt de Sport Check Point per chest istà: jir a pesc. Chesta l é na attività che dèsc l met de troèr momenc de pèsc tel chiet de la natura, e se la vegn fata con esperc, la dèsc l met de cognoscer zeche da nef, se tor l temp e sel goder, stajan tel fresch apede n lech o n ruf da mont, col rumor de l'èga che chieta via i pensieres. N'attività sporta a gregn e picioi per stèr a l'averta, stèr ensema e emparèr zeche da nef.

“Università nelle Valli Dolomitiche”: l Comun General de Fascia e la Magnifica comunità de Fiem jà da vèlch an i dèsc so sostegn a l'Università de Trent, per meter a jir n percors de laurea en Gestion Aziendèla a temp smendrà. La lezioms per i studenc de Fascia e Fiem, l vegn fat a Pardac do vea. Se pel se scriver ite enfin ai 29 de aost. Se pel troèr autra informazioms sul scit de l'università de Trent o su la piata Facebook “Università nelle valli dolomitiche”.

I reports de chesta setemèna, enjigné da Riccardo Zanoner e Angela Pederiva i vegn porté dant co la ouisc de Riccardo Zanoner.

Metù a jir col sostegn del Comun General de Fascia, de la Provinzia autonoma de Trent e de la Region autonoma Trentin – Südtirol, “Pedies” l va fora su Trentino Tv – canal 10 Prov. de TN- vigni sabeda da les 18.00 (sie da sera), de domenia da les 13.30 (mesa la does domesdi) e de lunesc da les 11.30 (mesa les doudesc).

L program ades l va fora ence sun AltoAdige TV – canal 11 de BZ - vigni domenia da les 18.00 (sie da sera).

Se pel veder duta la puntates ence sul canal YouTube de TV Ladina sot chest link:

<https://www.youtube.com/@TvLadina>

opuramenter se pel veder i servijes un a un su la piata Facebook de TV Ladina

<https://www.facebook.com/TelevijionLadina>

Traduzion di Servijes Linguistics e Culturèi del Comun general de Fascia

(cdt)